

Ko te whānau, te hapū me te iwi ngā tino kaiarataki i te ako me te aromatawai.

<p>Tui Yeager (Te Kura o Matapihi)</p>	<p>Tuatahi mai, kua huitahi tātou katoa, ētahi tāngata nō te hāpori, ngā mātua, kua pātai hoki ki ngā tamariki, ki te hāpori whānui. Nā rātou i whakarite, koinā tā rātou hiahia. Ka tirohia ki Te Marautanga o Aotearoa, ka puta mai te Graduate Profile. Ko ngā uara te tino hiahia o mātou katoa i te kura nei. Mā ēnā hui, ka pātai ki ngā mātua me pēhea te kite i ēnei uara ki roto i ā mātou tamariki.</p> <p>Ka whakarite ngā kaiako i ā rātou mahere ako. Ia wāhanga ka tino aro ki ngā uara e rua. Ia wā, ka hui, ka kōrero ki ngā tamariki e pā ana ki ēnei uara o te kura. I te wā ka tiaki tamariki, i te wā tākaro, i te wā moko i te pouputanga o te rā. Ka hoatu tiwhikete ki ngā tamariki, ka hono anō ki ngā uara, kia ora ēnei uara. Ehara mō te pukapuka, mō te whakapiri noa ki te pakitara, he mea ora mō ngā tamariki katoa.</p> <p>E toru ngā marae o te kura nei. Ko Hungahungatoroa, ko Waikari, ko Whareroa. Ko te nuinga o ngā tamariki ka honohono rātou ki ēnā marae. Ahakoa ētahi o rātou ka noho ki waho, he hononga anō ki te kura, ki te whenua, ki ēnā marae. He waimarie te kura, nā te mea he kaha rawa ngā kuia, ngā kaumātua ki te whakatenatena, ki te hāpai, ki te tautoko i te kura.</p>
<p>Angie Withers (Te Kura o Matapihi)</p>	<p>He kura anō ngā marae mō mātou o te kura nei. Mōhio mātou tēnā. Ko tētahi kaupapa e ako ai mātou o te kura nei, arā, ko te mau rākau. Ka haere ā mātou tama ki reira ki te ako i ngā kōrero, ā, ngā momo kōrero o taua mahi. Ko ētahi atu mahi i reira te tunu kai, kei reira kē te mahi o te tikanga, anō, ngā wāhi pai mō te kai, he wāhi pai mō te whakareri kai me ngā tikanga o te marae. I ētahi atu wā, he wānanga anō kei reira mō ngā whaikōrero.</p>
<p>Sharlene Teirney (Te Kura Kaupapa Māori o Te Whānau Tahī)</p>	<p>I tērā atu wiki i haramai ngā kuia mō tētahi rā mīharo, ā, ka mahi, i tuhi ngā tamariki i ētahi tono ki ā rātou kuia, koroua ā, ko te whāinga o tērā ka ako rātou ki te tuhi tono. I whakautu ētahi o ngā kuia me ngā koroua, i tuhi reta ki ngā tamariki, he mihi ki a rātou.</p> <p>I tae mai ngā kuia, kāore he koroua! Nā te mea kei te mahi pea rātou, engari he kuia anake. Ka kite rātou i te mahi a ngā tamariki hoki, ka pānui ngā tamariki ki a rātou, ka tiro atu ki ngā pukapuka, ka pātai ngā kuia, 'Kei te aha tātou a roto?' Ka pātai atu rātou ki ngā tamariki hoki, he aha ā rātou momo mahi? Ko te nuinga o te wā, ka haramai ko ngā mātua anake. He pai mō ngā kuia hoki.</p>